



مشیخت جلیلہ اسلامیک جریڈہ رسمیت

محرم الحرام سنہ ۱۳۳۹

عدد ۶۳

شمذیلک آیدہ بر نشر اولنور

آلفیجی سنہ

عباداته عائد بعض حکمتلر

معلومدرکه نماز واوروج عبادات بدنیه دندر . نماز محسن تعظیمدر ، عماد دیندر . ثبات ، متانت ، عزم ، جدیت ، وقار ، تمکین ، صبر ، حلم ، تواضع ، رقت ، سکینت ، خشوع کی اوصاف جلیله وارددرکه بونلری انسانلرده تجلی ایتدیرن نمازدر . نمازک اوقات خمسیه تفریق بیورلسنده کی حکمتلره امعان نظر ایدنلر بوجه آتی حکم جلیله سنه واقف اولمقله مبهوت اولورلر . انسان اقامه صلوته مواظبتده ثبات وقوه عزیمت ایله عمله مداومه محبت ، عجز وکسله بغض ونفرت حسنی اکتساب ایدر ودرجات عالیه کاله ترقی یوللرنده زحمتلره قاتلا بهرق الک کوچ ایشلری قولایلشیدر هرق بیوک سعادتله واصل اولور .

بر مصلی نمازده حق ایله مناجات ، ربوبیتی اقرار ، وحدانیتی اعتراف ، عظمت الوهیتی تذکر ایتمکله مشاغل دنیویه حسیلله لیل ونهار قلبنه مستولی اولان غفلتدن بیدار اولهرق کندیسنک دائما محافظ ومراقب اللهی اولدیغنی آکلار . وبونکله عصیانندن اوزاقلاشه رق اعمال شیطانیه نی ترک اینک کی شرف عال العاله نائل اولور .

نمازده جماعتک پک چوق فوائدی ، یک نفیس ثمراتی وارددر . ازجهله جماعته مداوم اولانلرده وحدت کلمه ، بینلرنده مودت ومحبت متقابلله حاصل وغایت محکم اولور . خیری جالب ، شری دافع ایشلرده یکدیگرلرینه معین اولورلر . معاونته ، مظاهرتیه محتاج اولانک حاله آگاه اولهرق تام زماننده احتیاجنی دفع ایدرلر . صیقلدیسه ، طارالدیسه کنیشله تیرلر ، صیقندیسنی کیده ریرلر ، پاره سی یوق ایسه اقراض ایدرلر ، بورجی وار ایسه ادا ایدرلر . حاصلی او زواللی نک دین ودنیاسنک اصلاحی نیه متوقف ایسه اونک اسبابی احضار ایدرک اونی مسعود ایده جک همتلر یاپارلر . ایشته مسرودات آنفده کی فوائد عظیمه نک کافه سی جماعتک فضائلندن نشئت ایدر . جناب حق اقطار جهانده کی مسلمانلرک بر کونده اوقات صلاتده جوامع ومساجدده طویلانملرینی اراده بیوریور . کندی ذات احدیتیه عمومک قبلری متوجه وجهلر سنک غرضلری بر اولسنی فرمان بیوریور . دینی ودنیوی امور وخصوصلرینی اثنای اجتماعده رؤیت ایتملرینه بر واسطه اتصال ، بر محل ارشاد اراده ایدرک بر لرلینه معاوتی ، مظاهرتلری تحقق ایتمک وآلرنده الفت وانسیت حصوله کلک ایچون اوقات خمسده اجتماعلرینی امر ایدیور . بر محله اهالیسی کونده بش کره ،

بلده اهالیسی جمعه نمازنده هفته ده بر ، قری وقصبات اهالیسی ییلده ایکی کره بیرام نماز لرنده .
طوبلانورلر . نمازده جماعتک امامه جمیع اطوار و حرکات صلاته اتقیاد و اطاعتنده انسانک ،
آمرینه ، افراد عسکریه نك ضابطه ، شاگردانک استاذینه ، انسانک عقله اطاعت ایتمینه .
آلشیدیرمق کبی محسنات و فوائد اشارت واردر .

نمازده امتلرک قوامی ، ملترک مابه الحیاتی ، مدار انتظامی ، محافظه بقیاسی اولان
وامنیت طرق و تراید تجارزت ، بوللق ، اوجوزلق ، عمران بلاد وسعه ارزاق کبی احتیاجات ،
عمومیه نك سهولت حصوانه الحاصل عمومی و خصوصی هیئت اجتماعیه نك صلاحنه واسطه
یکانه اولان عدالتک نشرینه ، انصاف و مروتک تعممنه ارشاد و تعلیم واردر . درگاه الوهیتده
متحد اوله رق مناجانده بولنورلر ، برینک مناجاتی قبول اولنورسه اوقبول لسان حال ایله
دیگرینک مناجاتی قبول ایچون بر شقیع اولور . مالئک و فرشته ، سلطنتک قوتنه ، جاه
و منصبک عظمتنه ، بطشک شدتنه ، اعوان و اصدقا سنک کثرتنه معروف بر زنکین ایله
قوت یومییه محتاج بر فقیرک اسکی البسه سیله انتظام سنز قیافتیه برابر نمازده بر صفده ،
اوموز اوموزه ، یان یانه ، آیق آیاغه ، مساوی بر صورتده بولمنسی طبعی کوریرسک .
اوزنکینک او فقرا ایله برابر اولمقدن استسکاف ایدمه چیکی و جماعتدن آیرلماه جفنی بیلیرسک .
بلکه اوزنکیندن ده اغانی ، ده قدرتلی ، حشمتلی ، ملوک و سلاطین کبی بعض ذواتی ده
ینه صفوف مسلمین ده عین فقرا حداسنده ، یانده کوریرسک . ایشته شریعت غرای
محمدیه بیوک ، کوچوک ، زنکین ، فقیر جمله انسانلری بویله مساوی بر صورتده طوبیور .
حضور حضرت خالقه جمله سنک هیچ بر بردن فرقی اولمدینی و اولمه جفنی آکلاتیور .
بو صورتله ارباب غنا و سلطنتک عظمت و غروری قیریلیر . نفسلری تذلل ایدر . عدالت
الهی حقلرنده تطبیق اولدقجه عدالت کندیلرینده بر ملکه راسخه حاصل اوله رق
مادونلرینه قارشو ابراز عدالت و رأفت و جور و ظلمدن اجتناب ایدرلر . خصوصیه
او عدالت الهیه کونده بش دفعه تکرر ایدرسه نفوس طایعه لرینک کسرنه سبب اولور .
خضوع و تذلل و تواضعه آلشیرلر ، جور و ظلمه وسیله اولان عظمت و غرورلری قیلرینده
کیزی اولسه دخی عدالت الهیه نك تکرریله محو و زائل اولور .

نمازده صفلرک مستقیم و منتظم و اوقانتک مبین و محدود اولمندن انسانک جمیع احوالنده
انتظام ، بتون اقوال و افعالنده استقامت بولمنسه ارشاد واردر . احوالک منتظم ، اقوال
و افعالک مستقیم اولمندن کی منافع عظیمه و فوائد جلیه غیر قابل انکاردر . هر ایشک
اساس اصلاحی ، عنوان نجاحی باعث استفاده سی و منافعتک شامل و محیط اولسی مطلقا

انتظام ایلددر. نمازه مداوم بر انسان کنیدیسی انتظامه آلیشدیرمش اولور بناء علیه اونك احوالی انتظامه کیرر، اموری مجرای استقامتده دوران و جریان ایدر. ایشته اووقت بیوک بیوک سعادتلره، یک چوق منفصلره نائل وواصل اولور بر مصلی جمیع حرکات بوسکناستنده مطمئن اوله رق انشای صلاتده نه اولورسه اولسون صاغنه، صوله التفات ایتمز، وایده مز. «شنده بر قوش طور یور حرکت ایدرسه اوچه جق قاجه جق مش کی بروضع سکونت وطمینیت اکتساب ایتمنه ارشاد وارددر. بر انسان افعال وحرکاتده ایراز خفت ایتمیرک بصیرت تامه ایله اعطای قرار و تذکر و تفکر مدبرانه کنیدیسنه نفس حرکت اتخاذ ایدرسه بتون اعمال واقوالندر خطا وزللدن سالم اولور زیرا سکونت بوملایمت جمیع اعمالده قانون نجا حدر.

مصلینک امامک اوقودیفنی دیکلمسی و سنی امامک سسندن یو کساتامسی، امامه تقدم ایتماسی، امام ایله برابر بر خذاده طور مامسی و انشای قعودده ادبیانه بروضیت خاشمانده بولنمسی کی حالاتده صفات کامله و اخلاق فاضله ایله متخلق و متصف اولمغه اشارت وارددر. مصلی نک اشرف اعضاسی اولان یوزینی سجده ایچون یره قومغله و دنیاچه درجه سی انشایی اولانلرک یاننده صف آراننده بولنمیه، رویت و درایت، قدر و منزلت جهتلرندن دهها مادون اولمسی محتمل بر ذاته مجرد امام اولدیفنی ایچون اقتدا ایتمسی کی حالاتده نه کوزل تواضع نجل ایدیور.

امامک انشای صلاتده قرائی، رکوعی، سجودی اوزاتمسی کی مصلی نک آرزوسنه موافق، طبعنه ملایم اولیان حالات صلاتده امامه متابقتله نفسی نوظینده کی حلمیت نه کوزلددر؛ زیرا مصلی مطلقا امامه تبعیت ایله نمازینک تمام اوله جفنی و امام نمازدن فارغ اولمینه کنیدیسنک نمازدن قورتیه میه جفنی بیلیر. شو حالده خارج صلاتده برطاقم مصائب بوالامه مقاومت دیمک اولان صبره ارشاد و اشارت وارددر.

نمازده بر انسان موجب عار و حیا حالاتدن توشع ایله عزت نفسی محافظه ایدرک کشفی جائز اولیان بر محانی کوسر تمامکه مأمورددر. اوسقی باشی تمیز، قیامی، قیافتی، دوزکون و منتظم، حیرکین قوقولردن منزه و پاک بر صورتده بارگاه احدیتده طور رسمی مطلوبدر. بوده انسانک عر حال و کارنده لطیف و قیافهجه سویملی، یاقیشه ملی بروضع و طورده بولنمسی اقتضا ایلر. نماز طبیعی تغییر، اوضاعی تقلب ایدر، اصلندن چیقاریر، ضدینه قلب ایدر. نفوس انسانی ده ممکنون و حسب الفطره موجود اولان شدت حرص و قلت صبری حد اعتداله ارجاع و حال توسطه تبدیل و تحویل ایلر قال تعالی (ان الانسان خلق هلوعا اذا مسه الشر جزوعا و اذا مسه

الحیر منوعاً (المصلین) یعنی انسان شدت حرص ایلہ مجبوردر. کندیسنه بر طرفدن زیان کلیر ایسه جزع و فزعی چوغالیر. سعه حال ورفاء معیشتہ نائل اولورسه امما کده مبالغه ایدر. اداسی لازم اولان زکاتی ویرمز. لیکن مصلی اولان انسانلر بویله دکلدر. زیرا نمازده طاعت وعبادت خالقہ استغراق، مخلوقاته رحمت وشفقت، یوم جزایہ ایمان، عقوبتدن خوف، شہوتی کسر، آخرتی دنیایہ تقدیم کبی فضائل وخصائل وارددر. حرص وطمع دنیایہ محبتدن وقصر نظرندن منبہدر. آخرت دنیانک ضدیدر. صلات جمعہ دن اول خطبہ اوقوئمنسک فرضیتندده دنیوی وایخروی، عمومی وخصوصی اصلاحات واداب واخلاقہ دائر منفعتی شامل، مواظ وخطب انشاد وایراد اولنق کبی منافع عظیمہ موجوددر.

شریف سعدالدین

الوطن والسیاسة

الدھر خان، وعود الناس الخنا	ادمی القلوب بكل انواع العنا
سادالرزذل علی الشریف بجھله	وطفا الوضیع علی الامیر من الغی
وعلی حدودالشرع صالجماعة	قد حرقوه تلاً عباً وتشیطنا
اسفاً علی دین النبی فانه	ییداالاسافل صار لعبة من حی
قدکان قوم التړك خیر حماته	وبهم علاه کان مرفوع البنا
فالی متی یا امة الأتراك لا	تتیقظون لما نأیء لما دنا
قدصار غل الذل فی اعناقکم	وعلیکم قوس الصغار قد انحنی
أسوس خائنة اليهود امورکم	من بعدما قد سستم اهل الدنی
ان السیاسة والکیاسة لم تکن	الا لتدویر المصالح بالثنا
من لم یدار الحال منه لم یزل	فی حالة یشکوبها کل الفنا
ضیعتموا اوطانکم وترکتتموا	تلك البلاد واهلها بیذا الضنی
صارت لاهل الزیغ ملعبة بلا	راع یناظرها بحسن الاعتنا
لما نس دوماً فی زرود مربی	بین الحجون وین صفح المنحنی
دار لقد حازت ثناء اولی النبی	محفوظة بالنص من کل الونی
فیها لقد جاء الامین محمد عم	والوحی فیها اولاً قد اعلنا

شریف سعدالدین

شہزادہ باشی : اوقاف اسلامیہ مطبعہ سی